



RUDNICI MRKOG UGLJA «BANOVIĆI» d.d. BANOVIĆI

Ulica Armije BiH 52, 75290 Banovići; Bosna i Hercegovina;

Telefoni-Centrala: 00387 35 870-600; 875-010; Fax: 00387 35 875-166
Rješenje Kantonalnog suda Tuzla br: U/I-0891/98. ID PDV broj: 209329530001
Identifikacijski broj: 4209329530001 Porezni broj: 03421100

www.rmub.ba



Broj: 20864 /17
Datum: 11.11 2017. godine

Na osnovu člana 69. stav (2) tačka d., člana 25. i 70. st. (1), (4) i (6) Zakona o javnim nabavkama („Sl. glasnik BiH“ broj 39/14), člana 82 Statuta RMU Banovići d.d. Banovići broj: 317/16 od 11.01.2016. godine i čl.34 Pravilnika o javnim nabavkama roba, usluga i radova broj 5764/15 od 13.05.2015. godine na Preporuku Komisije za nabavku iz Zapisnika o pregledu i ocjeni ponuda broj: 317aZCb/17 od 06.12.2017. godine u postupku javne nabavke: NABAVKA I UGRADNJA MAŠINE TALOŽNICE ZA KRUPNE KLASE 226 Ugovorni organ RMU „Banovići“ d.d. Banovići donosi

ODLUKU o poništenju postupka javne nabavke

Član 1.

Poništava se postupak javne nabavke **NABAVKA I UGRADNJA MAŠINE TALOŽNICE ZA KRUPNE KLASE 226, broj nabavke C-R-I 07/17** iz razloga: Nijedna od primljenih ponuda nije prihvatljiva.

Član 2.

Za izvršenje ove odluke zadužuje se i ovlašćuje Komercijalni sektor.

Član 3.

Ova odluka objavit će se na web-stranici www.rmub.ba.

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 10486/17 od 16.05.2017. godine. Javna nabavka je sprovedena otvorenim postupkom. Procijenjena vrijednost javne nabavke bez PDV-a je 2.500.000,00 KM.

Obavještenje o nabavci broj: 565-1-1-592-3-218/17 objavljeno je na Portalu javnih nabavki dana 20.06.2017. godine, sažetak obavještenja o nabavci objavljen je u Sl. glasniku BiH, broj: 46/17 od 23.06.2017. godine.

Komisija za javnu nabavku imenovana je Rješenjem broj: 10825/17 od 23.05.2017. godine.

Komisija za javnu nabavku dostavila je Direktor Društva Zapisnik o pregledu i ocjeni ponuda broj: 317aZCb/17 od 06.12.2017. godine u postupku javne nabavke C-R-I 07/17

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda: 3
- da su blagovremeno zaprimljene 3 ponude,
- da nije bilo neblagovremeno primljenih ponuda,
- da su ponude ponuđača Konzorcij: Allmineral Aufbereitungstechnik GmbH & Co Njemačka, MBE Coal & Minerals Technology GmbH Njemačka i Konzorcij: Urzadzenie i Konstrukcje S.A. Poljska i Prorem Sp. Z.o.o. Poljska nekvalifikovane i neprihvatljive.

Ponuda ponuđača Allmineral Aufbereitungstechnik GmbH & Co Njemačka je nekvalifikovana iz sljedećih razloga:

- U svojoj ponudi ponuđač nudi tip mašine Batac, Alljig, što je potpuno drugi tip mašine u odnosu na traženi, odnosno Alljig je potpuno druga robna marka, a što nije u skladu sa tenderskom dokumentacijom.
- U priloženom detaljnom spisku seta rezervnih dijelova nije naveden opis i kataloški brojevi.

- Izjavu-Potvrdu koju je ponuđač priložio na strani 28 ponude trebala je biti izdata od strane nadležnog organa u Saveznoj Republici Njemačkoj a ne od strane ponuđača.
- U svojoj ponudi ponuđač navodi da će dodatno naplaćivati dnevnice radnika u iznosu od 950 EUR po danu, koje nisu uključene u konačnu ponudu, što nije u skladu sa tačkom 8.4.4. tenderske dokumentacije.

Ponuda ponuđača MBE Coal & Minerals Technology GmbH Njemačka je nekvalifikovana iz sljedećih razloga:

- Na strani 28. ponude -aneks 2 nije ovjeren pečatom na mjestu predviđenom za „M.P“(mjesto pečata)
- Na strani 30 ponude-aneks 3 nije ovjeren pečatom na mjestu predviđenom za „M.P“ (mjesto pečata)
- Izjave po članu 45. i 52. ZJN BiH nisu ovjerene od strane nadležnog organa.

Ponuda ponuđača Konzorcij: Urzadzenie i Konstrukcje S.A. Poljska i Prorem Sp. Z.o.o. Poljska je nekvalifikovana iz sljedećih razloga:

- Nije potpisan nacrt ugovora
- U ponudi nedostaje pečat firme na svim dokumentima gdje je predviđeno M.P (mjesto pečata) osim u aneksu 3.

U postupku ocjene provedenog postupka, Ugovorni organ RMU „Banovići“ d.d. Banovići nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da nijedna primljena ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (2) tačka d., člana 25., člana 70. st. (1), (4) i (6) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke („Sl. Glasnik BiH“ broj: 103/14), člana 82. Statuta RMU Banovići d.d. Banovići broj: 317/16 od 11.01.2016.godine i člana 34. Pravilnika o javnim nabavkama roba, usluga i radova broj 5764/15 od 13.05.2015.godine, odlučeno je kao u članu 1. ove odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: RMU „Banovići“ dd Banovići, Ul.Armije BiH 52,75290 Banovići. Žalba se podnosi najmanje u 3 (tri) primjerka.

DOSTAVLJENO:

- Ponuđačima
- Komisija
- a/a.



DIREKTOR

Dr.sci. Munever Čerčić dipl. inž. rud.

Transakcijski računi:

161 0250 007 190075 Raiffeisen bank d.d. BiH, filijala Tuzla
 132 1300 309 179345 NLB Banka d.d. Tuzla, filijala Banovići
 187 2000 000 044917 Postbank BH d.d. Sarajevo, filijala Živinice
 154 3602 003 310866 Intesa Sanpaolo banka d.d. BiH

306 0450 000 163538 Hypo Alpe Adria bank Bosnia d.d.
 140 4010 018 681113 Sberbank BH d.d. Sarajevo
 186 0001 048 962098 Turkish Ziraat bank Bosnia d.d.
 338 4402 212 197081 UniCredit banka d.d. Mostar
 555 0530 049 467130 Nova banka AD Banja Luka, ekspozit. Tuzla